

咨

大總統咨參議院議決財政部呈釐定商業銀行暫行則例文

茲據財政部總長陳錦濤呈據錢法司案呈軍興以來財政竭蹶若不速圖救濟恐民困雖建而民力已疲顧救濟之策抉本探源尤在疏通金融維持實業此商業銀行之組織所以萬不容緩也惟是銀行之業首貴穩固一有不慎卽足以擾亂市面故各國政府對於銀行營業較之他種商人取締特嚴我國金融機關本未完備加以近年以來恐慌迭起向所稱爲殷實富商者今皆相繼破產不克自存雖曰我國商人之智識不足亦由前清政府之監督不嚴民國成立以來各處呈請設立銀行者日必數起本部既有管轄之責似應亟頒則例俾企業者有所遵循而監督者有所依據用特參照各國現行之法規斟酌我國商業之現狀擬定商業銀行則例十四條於取締營業之中仍寓保護商人之意理合繕具清單備文呈請大總統俯賜察核迅即咨送參議院議決公佈施行等因前來爲此相應備文咨送貴院請速議決咨復以便頒布施行此咨

參議院咨復議決設立稽勳局及附設捐輸調查科文

二月十九日准大總統咨開設立稽勳局一案又二月二十七日咨請本院將此案從速付議並於稽勳局設一捐輸調查科專調查光復前後輸資人民其持有證券來局呈報或由他項方法確實證明者就其輸助金額給以公債票請本院歸併前案議復等語本院於本月常會議決稽勳局及局內設一捐輸調查科兩事均屬可行惟捐輸調查科就輸助金額即給公債票一節似侵入財政範圍不僅含稽勳性質務請調查明確後分別叙勳其應否發給公債票一層當另案提交本院此咨



令示



大總統通令統一財政限制各省辦理公債文

據財政部呈稱竊維行政以統一爲先理財以核實爲要本部此次發行債票不獨補助軍需亦以統一財政惟自軍興以後百務方新各省度支均憂匱乏誠不得不以借貸之謀爲挹注之計其在中央債票未發行以前有以地方名義在各該省自行募集公債者中央債票既發行以後有以軍需不繼爲詞一再來部請領債票漫無限制者殊不知公債發行在吾國爲未有之創舉既關民國信用又繫外人觀聽一紙無異現銀償還即在

轉瞬間不宜自爲風氣尤不可稍涉虛糜本部前以鄂軍政府滬軍政府發行債票有礙統一先後呈准飭令停止發行在案惟查各省尙以地方名義募集公債而其性質又非地方公債者不獨鄂滬兩地現在中央債票發行自應援照鄂滬成案將各省所發之債票一律停止況本部定章各省所得債款半留中央半歸本省原屬內外兼權在各都督體念時艱通籌全局自必樂於贊成但各省光復未久軍書旁午待理萬端發行債票事又煩瑣兼顧之難自在意中應由本部遴選妥員分往各該省隨時稟承都督暨會同財政司辦理債票一應事宜所募之款除將一半解部其餘一半留存該省撙節動用惟如何用除須由各省分別報部靜候指撥嗣後不得藉口餉械短絀逕自來部請領債票以示限制除分咨各部長各都督外相應呈請察核辦理並乞通令一體遵照等由前來查現在大局底定財政亟應整理該部所陳債票辦法係爲統一財政起見應予通令一體遵行爲此令仰該都督查照辦理可也切切此令

大總統通令開放蛋戶惰民等許其一體享有公權私權文

天賦人權胥屬平等自專制者設爲種種無理之法制以凌躐斯民而自張其毒餓於是

人民之階級以生前清沿數千年專制之稅政變本加厲抑又甚焉若閩粵之蛋戶浙之惰民豫之丐戶及所謂發功臣暨披甲家爲奴卽俗所稱義民者又若薙髮者並優倡隸卒等均有特別限制使不得與平民齒一人蒙垢辱及子孫蹂躪人權莫此爲甚當茲共和告成人道彰明之際豈容此等苛令久存爲民國玷爲此特申令示凡以上所述各種人民對於國家社會之一切權利公權若選舉參政等私權若居住言論出版集會信教之自由等均許一體享有毋稍歧異以重人權而彰公理該部接到此令之後卽行通飭所屬一體遵照並出示曉諭該省軍民人等咸諭此意此令

大總統令浙江都督查明劉學詢呈稱抵欸各節秉公核辦文

據上海信大莊主劉學詢畧稱上海信大錢莊抵欸轉轉應由大清銀行原經理席德權將蘇州河邊貨倉及浦東地基議價抵補各等因前來此案前後轉轉頗爲複雜茲既據稱業有滬產可作抵欸其杭莊應否籍沒又此案辦法能否照來呈所請辦理以清糾紛之患合行令仰該都督切實查明秉公核辦原呈併發此令

大總統令交通部核辦報界公會請減郵電費文

茲據上海日報公會呈稱軍興以後種種困難情形請減輕郵電費以維報界等情前來查報紙代表輿論監督社會厥功甚巨此次民國開創南北統一尤賴報界同心協力竭誠贊助茲據呈稱軍興以後困難情形均屬實況若不設法維持勢將相繼歇業合將原呈發交該部仰即酌核辦理可也此令

大總統令財政部察核李國樑等呈請改良鹽政文

據李國樑等呈請改良鹽政并附簡章及手摺前來除批示外合行發交該部仰即察核辦理此令

大總統令財政部核辦左酉山等呈請仍留鹽務辦事地點於揚州文
據揚州保存鹽務會代表左酉山等呈請仍留鹽務辦事地點於揚州以維市面等由前來爲此令行該部仰即會商實業部酌核辦理爲要此令

大總統令實業部核辦仇志遠呈涇縣煤鑛復請立案並出示保護文
茲有公文一件應歸該部核辦合將原呈發交此令

大總統批胡漢民等請咨參議院提議設立國史院並派專員籌辦呈

呈悉查中國歷代編纂國史之機關均係獨立不受他機關之干涉所以示好惡之公明是非之正使秉筆者據事直書無拘牽顧忌之嫌法至善也民國開創爲神州空前之偉業不有信史何以焜耀宇內昭示方來該員等所請設立國史院之舉本總統深表贊同應候提交參議院議決至請先行派員籌辦一節俟遴選得人卽行委任可也此批

附原呈

胡漢民黃興王寵惠宋教仁馬君武王鴻猷于右任鈕永建蔣作賓居正黃鍾瑛湯薌銘呂志伊徐紹楨秦毓鎣任鴻雋蕭友梅馮自由吳永珊譚熙鴻耿觀文陳晉張通典鄭憲武但燾劉元粹程明超金溥崇胡肇安汪廷襄伍崇珏王夏唐支厦彭素民易廷憲廖炎林啓一盧仲博余森李曉生邵逸周劉式庵林朝漢梅喬林劉鞠可胡秉柯張熾章賀子才朱和中覃師范仇亮杜純黃中愷金華祝湯化龍張銘彝巴澤惠林大任傅仰虞梁能堅侯毅翁繼芬蔡人奇田桐林長民張大義蕭翼鯤孫潤宇子德坤史青高魯王慶華程光燾馬伯瑗林文慶方潛熊傳第劉健罌方書劉馥仇鰲楊勉之姜廷榮曹昌麟劉伯昌張周周澤苞黃復生彭丕昕饒如焚史久光王孝縝何濬唐豸陳寬

沅喻龔西黃大偉等呈溯自有文字遂有記載古稱史官肇於沮蒼歷代相沿是職咸備蓋以紀一時之事昭萬禩之鑒甚盛典也顧概觀中國前史春秋史記而外多一人一家之傳記無一足稱社會史可以傳當時而垂後世者抑典午東渡而還中原塗炭自時厥後國統殺雜殊方入主尤間代相聞以云正史不足十六而所稱正史者亦復狃於君主政體其典章制度人物文詞見於紀傳表志者多未能發揮民族之精神方諸麟經遷史去之愈遠若藉爲民國之借鑑猶南轅北轍鑿枘不能相容誠以立國之政體不良而記載遂不衷於至當耳今我中華聿新民國前自甲午而後明讖遠見之士怵於國之不可以見辱而政體之不可以不改變也於是奔走號呼潛移默運垂二十年茲者民國確立以前之艱鉅挫折起蹶興躓循環倚伏不可紀極若非詳加調查筆之於書著爲信史何以彰前烈而詔方來正史裁而堅國本爲此連同衆意合詞呈請大總統速設國史院遴員董理刻日將我民國成立始末調查詳澈撰輯中華民國建國史頒示海內以垂法戒而鞏邦基如蒙俯允卽請作爲議案提交參議院議決並祈從速特委專員籌辦一切民國幸甚

大總統批上海總商會請願公舉參議院議員呈

現在參議院爲臨時組織故議員由各省都督送派將來必合集民選議會爲正當立法機關以代表國民國制度一視齊等不分界限以我國商業日益發達選舉普及全國之日商界當不止占三名選舉之數正不宜以此自限本總統有厚望焉

大總統批揚州保存鹽務會代表左酉山等請仍留鹽務辦事地點於

揚州呈

呈悉已令行財政部會商實業部核辦矣此批

大總統批李國樑等請改良鹽政將前清舊票改換新鈔呈

呈及章程均悉所請將前清舊票改換新鈔並鹽政改良各辦法已令行財政部核辦矣
仰卽知照

大總統批楊顯燾等控曹受詔混爭水注縣令偏斷害稅殃民呈

據呈已悉事關訴訟本有專司仰卽赴該管轄官署呈控可也此批

大總統批仇志遠請專利五年專熬戒煙藥料以助餉糈呈

呈悉鴉片流毒垂百餘年禍國害民深堪痛恨民國建立伊始凡我國民固當力爲戒絕該商等所熬戒烟藥料果能於衛生籌餉兩有裨益誠屬美舉惟所配藥料是否甚良及所請專利五年應否准行之處仰候令由內務部核辦可也此批

大總統批上海日報公會請減輕郵電費呈

呈悉報紙代表輿論監督社會厥功甚巨此次民國開創南北統一尤賴報界同心協力竭誠贊助茲據呈稱軍興以後困難情形均屬實況若不設法維持勢將相繼歇業仰候將原呈發交交通部核辦可也此批

大總統批仇志遠請廢涇縣煤礦原案復行立案呈

呈悉仰候令行實業部核辦可也此批

陸軍部批中華民國赤十字社董事胡琪等請批准立案呈

來呈暨辦事清摺均悉溯自武漢軍興以來各地慈善團體發大宏願組織各赤十字會分赴戰地拯救傷患各處軍隊之受惠者殊非淺渺該董事等推民胞物與之懷拯顛沛傷夷之厄廣立支部遠涉千里毅力熱誠深堪嘉佩倘能力圖進行成績當尤可觀惟呈

請批准立案認爲中華民國赤十字社一節應俟南北統一政府成立後再行詳查核定可也

雜報

司法部^{二元}月分收支報告

第一次收支報告元月十六日至三十一日止

收款項下

一收陸軍部暫借

洋二千元

支款項下

一支伙食

洋四十一元四角二分

一支雜項

洋七十九元三角五分

一支車馬費

洋六十元

共支

洋一百八十九元零七角七分

除支實存

洋一千八百十九元二角三分

第二次收支報告二月初一日至二十九日止

舊管項下

一收元月結存

洋一千八百十九元二角三分

收款項下

一收財政部

洋五千元

支款項下

一支各職員津貼

洋七百九十二元總次長未支津貼

一支衛兵護兵等餉

洋二百元零二分三釐

一支膳費

洋四百七十四元

一支慶祝民國統一賞衛兵護兵等

洋四十八元

一支次長因公赴申旅費二次

洋一百二十五元

一支車馬費

洋一百四十五元八角

一支郵費

洋八元二角三分六釐

一支軍裝等

洋四百三十七元七角

一支紙張筆墨等

洋四十五元三角七分一釐

一支賬簿稿簿等

洋十三元五角二分七釐

一支各日報

洋十三元九角

一支煤油

洋二十四元五角八分

一支洋燈

洋二十八元八角七分

一支柴炭等

洋七十一元五角四分六釐

一支文具呼人鈴等

洋五十五元六角零三釐

一支床火盆等

洋三十四元四角九分九釐

一支刻各印板

洋九元七角一分

一支各種圖章

洋四元一角四分五釐

一支碗蓋等

洋四元八角

一支雜項

洋一百零二元七角四分二釐

一支價陸軍部

洋二千元


共收洋 六千八百十九元二角三分
支 四千六百四十元另二分一釐

實存項下

一存洋二千一百七十九元二角一分九釐

實業部告白

本部商政司科員周在鼎於十四日晚間遺失符號一枚特登報聲明作廢



臨時政府公報

雜報

第四十一號

十四



臨時政府公報 附錄

中華民國元年三月十七日星期

隨報附出 不另徵費



電報



各省衙門均鑒本日臨時大總統誓詞民國建設造端百凡待治世凱深願竭其能力發揚共和之精神滌蕩專制之瑕穢速定憲法副國民之願望藉達國家安全強固之域俾五大民族同臻樂利凡茲志願率履勿渝俟召集國會選定第一期大總統袁世凱卽行解職謹掬誠悃誓告同胞大中華民國元年三月初十日袁世凱命令本日臨時大總統今國體變更首在蕩滌繁苛與民更始我國民積受專制官吏之弊失教懼討政多未平陷於囹圄或非其辜當茲民國初基正宜湔除舊染咸與維新凡自中華民國元年三月初十日以前我國民不幸而罹於罪者除真正人命及強盜外無論輕罪重罪已發覺未發覺已結正未結正者皆除免之我國民其自納於軌物懷茲刑辟毋蹈匪彝以保我同胞之身命榮名於無極此令臨時大總統令我國民積苦專制重罹兵禍農民損失甚鉅豈宜催督逋欠重滋擾累所有中華民國元年以前應完地丁正雜錢糧漕糧實欠在民

者皆予除免有司毋得追索我國民其勤於農業務培根本蘄進於富庶維新之邦治此令臨時大總統令現在民國法律未經議定頒布所有從前施行之法律及新刑律除與民國國體抵觸各條應失效力外餘均暫行援用以資遵守此令臨時大總統令本大總統於中華民國元年三月初十日舉行受職禮訖自念德薄能鮮膺茲重任兢兢業業惟以隕越是懼維我民國建設伊始統一政府初立所以策安全求幸福者千端萬緒肇造維艱是皆賴我內文武各應協力同心共擔義務諸君皆具愛國之熱誠爲斯民所倚託當此瘡痍未復責望正殷苟有可以破除私見保持公安謀秩序之整齊籌政事之統一者本大總統當與諸君竭力圖之并當相見以誠相規以善以期互維大局奠我邦基是則本大總統所孳孳焉願與諸公共勉者也此令臨時大總統令本大總統辱承國民推舉今當受職禮成之日爰抒所見勗我同胞民國建義我海陸軍人共效勳勞然此不過維持國家之初基目下改革告終締造伊始我軍人應建之事業應負之責任實尙不知凡幾其重且大蓋遠過於破壞之時未容以前此之成功視爲滿足所望我愛國軍人曠觀大局益矢血誠萬衆一心皆以鞏固我民國初基爲的凡所舉動務服從中央命令

以期實行統一至於軍士尤當恪遵上官命令養成整肅之精神保全光大之名譽母或敷衍怠忽以玷全體而廢半途庶不負我軍人前此之苦心孤詣而諸君勳業亦當與國基而偕永矣此令京真

(北京來電)

孫總統鑒王和順蓄意破壞廣東屢抵抗命令宣言事敗即殺外人以起瓜分居心實不可問頃以遣散各民軍彼所部輒自疑在被散之列狙擊巡查軍隊併傷及派往彈壓官長罪無可道聞彼輩有電到南京幸勿爲其所惑即以嚴電飭其凜遵粵政府命令可免驚擾居民波累無辜否則恐損傷太大也炯明蒸二

(廣東來電)


各衙門均鑒本日命令臨時大總統令現在游勇土匪四出奔擾貽害閭閻深堪痛恨應由直隸總督通飭所屬文武督率團勇兵警嚴拏懲辦該兵匪所携槍械有遺失在民者並卽出示曉諭由官給價收回以靖地方而消隱患此令又臨時大總統令天津保定等處地方變亂迭經飭令直隸總督查明竭力設法撫卹維持本大總統受國民委託以保護治安增進幸福相期乃因防範不周鎮撫無術致使各該地方猝遭奇變四民失業撫衷自問負疚良多茲特遣派姚錫光前往津保慰問被難民商卽會同直隸總督妥籌善

後辦法勿使日久失所此令此二令係十一日京文

(北京來電)

南京孫大總統黃陸軍總長鑒和順抗不遵命令早經開砲關城經派兵圍勦王已潛逃所部除吳鏡如一協遵命不動外皆已分潰刻正搜捕解散省城安穩先此奉聞後書詳報炯明真印

(廣東來電)



告白



總統府秘書處廣告

現於本府東西柵門外設立揭示處凡來本府投遞呈件者分別事項量予批答揭示該處以三日為限過期揭去嗣後凡來本府投遞呈件人等希一體知照總統府秘書處白

中華民國實業部附設實業公報簡章

本報為中華民國實業部之機關報故名曰實業公報

本報以宣布實業法令灌輸實業學識為宗旨

本報暫定門類如左 (無則姑闕)

甲 圖畫

乙 法令

丙 著論

丁 譯述

戊 調查

己 電報

庚 紀事

辛 雜錄

本報爲發展全國實業起見凡外來文稿於實業有關係者當擇要登載酌量酬謝未登者恕不奉還

本報月出一冊於每月十五日發行

本報每冊暫售大洋一角五分（外部郵費照加）

本報代登各種實業廣告酌量收費

凡與實業有關係之各官署局所學堂公司皆有購閱本報之義務但各官署具印文請

領者照五折徵費實業學生聯名請領者十份以上八折五十份以上七折百份以上
六折

外交部廣告

本部於三月二日遷鼓樓前獅子橋所有電報公文各項函件希按址投遞爲盼

教育部收買古籍廣告

本部現擬籌設中央圖書館應儲書籍甚多各處如有古籍願出售者除星期外請於每日下午三時至五時持樣本至南京碑亭巷本部接洽如合意者本部當給以相當價值
教育部通告

本部現因學校令尙未頒布故於辦理學校之人到部呈請立案者一概從緩批准誠恐外間或有誤會爲此登報聲明嗣後學校經本部批准立案者必以登載公報有准予立案字樣者爲憑此布

臨時政府公報局告白一

各省官廳所有暫行條例命令及職員之任免遷轉等項均希隨時抄送本局其地方自

治團體辦理公共事業如道路衛生醫院學校救貧等項之經過及其成績亦可隨時抄送本局登載公報藉規地方之情況而彰民治之精神


臨時政府公報局告白二

各處有願爲公報販買所者可將領報份數及販買區域本人之氏名年齡職業住所及販買章程呈送本局核定並須酌交保證金其保證之金額由局長定之

臨時政府公報局告白三

嗣後各處定閱本報者須將報費逕寄總統府內臨時政府公報局由本局掣取收條即飭發行所照寄空函定報概不答覆





本報暫定則例

- 一 本報爲臨時政府刊行故定名爲臨時政府公報
- 二 本報以宣布法令發表中央及各地政事爲主旨
- 三 本報暫定門類六曰法制曰咨曰令示曰紀事曰抄譯外報曰雜報其
子目見前
- 四 本報日出一冊如遇國家紀念日星期日政府停止辦公時本報亦休
刊一日
- 五 政府對於各地所發令示或宣布法律凡載登本報者公文未到以本
報到後爲有效
- 六 凡各官署皆有購閱本報之義務唯具印文請領者皆照定價五折徵
納餘另詳前價目表

本報白

本報局設在大總統府內

總發行南京花牌樓太平街四號

分售處南京花牌樓吉祥街印鑄局工廠發行所

南京中華報

南京中正街昇平橋易安精舍

外埠經售處

鎮江 興漢日報

常州大街老王大昌

無錫光復門內新橋二十一號曾瑞武

蘇州城內因果巷四十一號許宅

上海 民立報

大共和報

時報

申報

新聞報

天鐸報

時事新報

啓民愛國報

神州報

上海寶善街公順里仁和號

蕪湖 民立報分館

廣州 中國日報

香港 軍事報

天津 民意報

舊金山 大同報

中西報

少年報

檀香山 自由新報

印刷所 臨時政府印鑄局工廠